

МОНГОЛ УЛСЫН ХУУЛЬ

20.. оны ... дугаар
сарын ...-ны өдөр

Улаанбаатар
хот

**ГЭРЧ, ХОХИРОГЧИЙГ ХАМГААЛАХ ТУХАЙ ХУУЛЬД
НЭМЭЛТ, ӨӨРЧЛӨЛТ ОРУУЛАХ ТУХАЙ**

1 дүгээр зүйл. Гэрч, хохирогчийг хамгаалах тухай хуульд доор дурьдсан агуулгатай зүйл, хэсэг, заалт нэмсүгэй:

1/7 дугаар зүйлийн 7.4 дэх хэсэг:

“7.4.Энэ хуулийн 7.1.8-д заасан хамгаалалтын арга хэмжээг хэрэгжүүлэхэд Иргэний бүртгэлийн тухай хуулийн 18 дугаар зүйлийн 18.8-д заасан заалт хамаарахгүй.”

2/11 дүгээр зүйлийн 11.4 дэх хэсэг:

“11.4.Гэрч, хохирогчийн улсын бүртгэлтэй холбоотой хувийн мэдээллийг зөвхөн эрх бүхий албан тушаалтны хүсэлтийг үндэслэн гаргаж өгч болно.”

3/14 дүгээр зүйлийн 14.3 дахь хэсэг:

“14.3.Шаардлагатай тохиолдолд гэрч, хохирогчийг Монгол Улсаас гадаад улсын нутаг дэвсгэрт нүүлгэн шилжүүлж болно.”

4/15 дугаар зүйлийн 15.2.4 дэх заалт:

“15.2.4.хуулийн этгээдийн бүртгэлийн гэрчилгээ;”

5/17 дугаар зүйлийн 17.4 дэх хэсэг:

“17.4.Сэтгэл зүйн хамгаалалтын арга хэмжээг энэ хуулийн 7 дугаар зүйлд заасан аюулгүй байдлын хамгаалалтын арга хэмжээтэй хамтатган хэрэгжүүлж болно.”

6/18 дугаар зүйлийн 18.1.4 дэх заалт:

“18.1.4.нийгмийн бусад туслалцаа.”

7/20 дугаар зүйлийн 20.3.3 дахь заалт:

“20.3.3.хамгаалалтын арга хэмжээг цуцлах шийдвэр гаргахад энэ хуулийн 22 дугаар зүйлд заасан нөхцөлийг харгалзан үзнэ.”

8/21 дүгээр зүйлийн 21.8, 21.9 дэх хэсэг:

“21.8.Эрүүгийн хэрэг хянан шийдвэрлэх ажиллагааны явцад гэрч, хохирогчийн аюулгүй байдлыг хамгаалах талаар эрх бүхий албан тушаалтан шийдвэр гаргахдаа энэ хуульд зааснаас гадна Эрүүгийн хэрэг хянан шийдвэрлэх тухай хуульд заасан үндэслэл журмыг баримтална.

21.9.Цагдан хоригдож байгаа болон хорих ял эдэлж буй гэрч, хохирогчийг хамгаалах журмыг Улсын ерөнхий прокурортой зөвшилцөн хууль зүйн асуудал эрхэлсэн Засгийн газрын гишүүн батална.”

9/23 дугаар зүйлийн 23.3.10 дахь заалт:

“23.3.10.Хамгаалалтад авсан гэрч, хохирогчийн талаар мэдээллийн сан үүсгэн хөтлөх.”

10/25¹ дүгээр зүйл:

“25¹ дүгээр зүйл.Зөвлөл

25¹.1.Гэрч, хохирогчийг хамгаалах тухай хуулийн хэрэгжилтийг хангах, гэрч, хохирогчийг хамгаалах ажлыг хэрэгжүүлэхэд дэмжлэг үзүүлэх чиг үүрэг бүхий зөвлөл Хууль зүйн асуудал эрхэлсэн Засгийн газрын гишүүний дэргэд ажиллана.

25¹.2.Зөвлөлийг Хууль зүйн асуудал эрхэлсэн Засгийн газрын гишүүн ахалж, бүрэлдэхүүнд нь санхүү, хөдөлмөр, нийгмийн хамгаалал, эрүүл мэнд болон гадаад харилцааны асуудал эрхэлсэн төрийн захиргааны төв байгууллага, мөрдөн шалгах ажиллагаа явуулах чиг үүрэг бүхий байгууллага, прокурор, шүүх, холбогдох бусад төрийн болон төрийн бус байгууллагын төлөөллөөс бүрдүүлж ажиллана.

25¹.3. Зөвлөлийн бүрэлдэхүүн, ажиллах журмыг Хууль зүйн асуудал эрхэлсэн Засгийн газрын гишүүн батална.

25¹.5.Зөвлөл дараахь чиг үүргийг хэрэгжүүлнэ:

25¹5.1.гэрч хохирогчийг хамгаалах салбар дундын ажлыг уялдуулан зохицуулах;

25¹.5.2.гэрч, хохирогчийг хамгаалах хөтөлбөрийг хэрэгжүүлэхэд шаардагдах төсвийг шийдвэрлэх талаар санал боловсруулах, хөтөлбөрийн биелэлтэд хяналт тавих, биелэлтийг хангуулах арга хэмжээ авах;

25¹.5.3.холбогдох яам, агентлаг, нутгийн захиргааны байгууллага, төрийн болон төрийн бус байгууллагад зөвлөмж өгөх;

25¹.5.4.гэрч, хохирогчийг хамгаалах байгууллага, албадын алба хаагчдыг гадаад улсад сургах, мэргэшүүлэхэд дэмжлэг үзүүлэх;

25¹.5.5.иргэд, олон нийтэд хууль тогтоомжийг сурталчлах.”

2 дугаар зүйл. Гэрч, хохирогчийг хамгаалах тухай хуулийн 4 дүгээр зүйлийн 4.1.2 дахь заалтын “эрүүл мэндийг” гэсний дараа “болон сэтгэл зүйг” гэж, 11 дүгээр зүйлийн 11.1 дэх хэсгийн “үл хөдлөх хөрөнгө,” гэсний дараа “хуулийн этгээдийн бүртгэлийн мэдээлэл” гэж, мөн хэсгийн “Шаардлагатай тохиолдолд” гэсний дараа “гэрч, хохирогчийн хуулийн этгээдийн улсын бүртгэл, эд хөрөнгийн бүртгэл, иргэний бүртгэлийн талаархи мэдээлэлд өөрчлөлт оруулах, шинээр олгох” гэж, 15 дугаар зүйлийн 15.1 дэх хэсгийн “болон” гэсний дараа “энэ хуулийн 5.3-т заасан гэрч, хохирогчийн хамаарал бүхий этгээдийн” гэж, 21 дүгээр зүйлийн 21.2.1 дэх заалтын “16.2,” гэсний дараа “17.1” гэж, мөн зүйлийн 21.2.2 дахь заалтын “7.1.2-7.1.6”, гэсний дараа “17.1” гэж, 23 дугаар зүйлийн 23.2 дахь хэсгийн “байгууллагууд нь” гэсний дараа “тухайн байгууллагын даргын дэргэд” гэж, 23 дугаар зүйлийн 23.3.6 дахь заалтын “өөрчлөх,” гэсний дараа “цуцлах” гэж, 25 дугаар зүйлийн 25.4 дэх хэсгийн “боловсруулж,” гэсний дараа “батлан” гэж тус тус нэмсүгэй.

3 дугаар зүйл. Гэрч, хохирогчийг хамгаалах тухай хуулийн дараахь хэсгийг доор дурдсанаар өөрчлөн найруулсугай:

1/7 дугаар зүйлийн 7.2 дахь хэсэг:

“7.2.Шаардлагатай гэж үзвэл энэ хуулийн 7.1-д заасан хамгаалалтын арга хэмжээг хамтатган хэрэглэж болно. Хамгаалалтын арга хэмжээг хэрэгжүүлэхэд болон энэ хуулийн 18.1.4-т заасан нийгмийн бусад туслалцаа үзүүлэхэд шаардагдах зардлыг улсын төсвөөс санхүүжүүлнэ.”

2/8 дугаар зүйлийн 8.1 дэх хэсэг:

“8.1.Гэрч, хохирогчийн амь нас, эрүүл мэнд, эд хөрөнгө, бусад эрх, эрх чөлөөнд халдахаар заналхийлвэл тухайн этгээдэд эрүүгийн хариуцлага хүлээлгэх талаар шүүгч, прокурор, мөрдөгч бичгээр урьдчилан сануулж, гарын үсэг зуруулна.”

3/20 дугаар зүйлийн 20.1 дэх хэсэг:

“20.1.Хамгаалалтын арга хэмжээг хэрэглэх үндэслэл нь гэрч, хохирогч, өмгөөлөгчийн хүсэлт, мөрдөгч, прокурор, шүүгчийн бичгээр гаргасан санал байна.”

4 дүгээр зүйл. Гэрч, хохирогчийг хамгаалах тухай хуулийн 1 дүгээр зүйлийн 1.1 дэх хэсэг, 5 дугаар зүйлийн 5.4 дэх хэсэг, 21 дүгээр зүйлийн 21.7 дахь хэсгийн “гэмт” гэснийг “эрүүгийн” гэж, 4 дүгээр зүйлийн 4.1.2 дахь заалтын “7” гэснийг “6” гэж, 15 дугаар зүйлийн “15.2.4” гэсэн дугаарыг “15.2.5” гэж, 20 дугаар зүйлийн гарчиг, мөн зүйлийн 20.2 дахь хэсэг, 21 дүгээр зүйлийн гарчгийн “Аюулгүй байдлын хамгаалалтыг” гэснийг “Хамгаалалтын арга хэмжээг” гэж, 22 дугаар зүйлийн гарчиг, мөн зүйлийн 22.1 дэх хэсэг, 23 дугаар зүйлийн гарчиг, мөн зүйлийн 23.1 дэх хэсгийн “Аюулгүй байдлын хамгаалалтын” гэснийг “Хамгаалалтын” гэж, 21 дүгээр зүйлийн 21.2.1 дэх заалтын “мөрдөн байцаагч” гэснийг “мөрдөгч” гэж, мөн зүйлийн 21.3 дахь хэсгийн “Мөрдөх албаны” гэснийг “мөрдөн шалгах ажиллагаа явуулах байгууллагын” гэж, 23 дугаар зүйлийн 23.2 дахь хэсгийн “нэгжтэй” гэснийг “албатай” гэж, мөн зүйлийн 23.3 дахь хэсгийн “нэгж” гэснийг “алба” гэж, мөн зүйлийн 23.4 дэх хэсгийн “нэгжийн” гэснийг “албаны” гэж, мөн зүйлийн 23.3.3 дахь заалтын “шийдвэрлэх” гэснийг “хэрэгжүүлэх” гэж, мөн зүйлийн 23.3.5 дахь заалтын “үйлчилгээ”

гэснийг “туслалцаа” гэж, мөн зүйлийн “23.3.9” гэсэн дугаарыг “23.3.10” гэж, 25 дугаар зүйлийн 25.5 дахь хэсгийн “захиргааны” гэснийг “төрийн” гэж тус тус өөрчилсүгэй.

5 дугаар зүйл. Гэрч, хохирогчийг хамгаалах тухай хуулийн 11 дүгээр зүйлийн 11.1 дэх хэсгийн “халхавч нэр хэрэглэх” гэснийг, 20 дугаар зүйлийн 20.2.2 дахь заалт, мөн зүйлийн 20.3 дахь хэсэг, 21 дүгээр зүйлийн 21.1, 21.2 дахь хэсгийн “аюулгүй байдлын” гэснийг, 22 дугаар зүйлийн 22.2 дахь хэсгийн “хамгаалалтад байгаа” гэснийг тус тус хассугай.

6 дугаар зүйл. Гэрч, хохирогчийг хамгаалах тухай хуулийн 12 дугаар зүйлийн 12.2 дахь хэсэг, 16 дугаар зүйлийн 16.4, 23 дугаар зүйлийн 23.1.2 дахь заалтыг тус тус хүчингүй болсонд тооцсугай.

7 дугаар зүйл.Энэ хуулийг 20... оны ... дүгээр сарын ...-ний өдрөөс эхлэн дагаж мөрдөнө.

---oOo---